

NY VALOSOA

Gazety misého intelo isan-kérinandro
(Talata - Alakamisy - Sabotsy) VAOVAO

Alakamisy 10 septambra 2020

Laharana 1065

Vidiny : 400 Ar

www.gvalosoa.com

gvalosoa@yahoo.com

facebook : gazety valosoa rakoto

RMDM

28

Accord Knits Andraharo 7

Ho velomina ireo kianjan'ny demokrasia



Mpiasa 400 eo no naato amin'ny asany



RADIO FAHAZAVANA 3

10 taona lasa ireo mpanao gazetiny nogadrain-dRajoelina



Ady amin'ny asan-dahalo 6

Voasambotra ny mpimasin-dahalo iray

CFM

Sasa-miandry ny onitra ireo gadra politika

Kaominina Ampitatafika 5

Vita ny tsena fa miandry fitokanana sisa



Daka kely

Lokoy orange hatramin'ny fasana mihitsy leity ry Boaikely a !

Depiote Jaky


Tsy misy

fampandrosoana

azo tsapain-

tanana eto

amintsika



Valanaretina coronavirus 5

**85 ny tranga vaovao,
53 ny marary mafy**

www.gvalosoa.com

gvalosoa@yahoo.com

facebook : gazety valosoa rakoto

RMDM

Ho velomina ny kianjan'ny demokrasia manerana ny Nosy

Nivory tao Bel'Air Am-pandrana afak'omaly ny avy amin'ny RMDM, na ny Rodoben'ny Mpanohitra ho an'ny Demokrasia eto Madagasikara, notarihan'ny filohany Marc Ravalomanana, nahitana ireo lohando-han'ny mpisorona avy amin'ireo antoko mandrafitra ity vovonan'ny antoko mpanohitra eto amintsika ity. Tsy nisy nipika ny dinika tamin'izany, neverina fa ny fandinihana ny raharaha-pirenena amin'izao fotoana no voaresaka, indrindra ny amin'

ny valanaretna coronaviru, izay ny mpitondra no nampiditra azy teto, ary valanaretna izay tsy voafehin'ny fitondrana Ra-joelina hatramin'izao. Poro-fon'izany, tsy mety midina hatreto ireo tranga vao-vao, mbola misy foana ihany koa ireo mamoy ny ainy. Neverina fa voaresaka tao ihany koa ny paikadin'ny mpanohitra ao aorian'ny fiafaran'ny ha-mehana ara-pahasalamana eto Madagasikara. Efa nanambara ny avy amin'ny RMDM, fa hanao het-sika lehibe izy ireo raha

vao tapitra ny hamehana ara-pahasalamana sy ny fibibohana, ho velomina ny kianjan'ny demokrasia etsy Ambohijatovo, hisy ihany koa ny kianjan'ny demokrasia amin'ny fari-tra rehetra eto amin'ny Nosy. Zon'ny vahoaka sy ny mpanohitra ny maneho ny heviny manoloana ny raharaha-pirenena. Araka ny nambaran'i Christian Tabera tamin'ny fandaharana Dinika tamin'ny televiziona MBS, tokony hamela malalaka ny mpanohitra haneho ny heviny izay ny mpitandro filami-

Isambilo

Fitakiana ireo Nosy Malagasy

Fikambanana maromaro nanatitra taratasy teny Anosikely

Ho fitakiana ireo Nosy Malagasy, na lles Epar-ses mbola bodoi'nny Frantsay, fikambanana sy antoko politika maromaro no nanatitra taratasy tetsy amin'ny lapan'ny Antenimierandoholona Anosikely omaly. Tonga teny toerana ny avy amin'ny fikambanana politika Otri-kafo, ny Apm, ny Alefa,

ny Fln ary ny Solide. No-hamafisin'izy ireo nandri-tra izany, fa an'ny Malagasy ireo Nosy manodi-dina bodoi'nny Frantsay ireo, ary efa neken'ny ao anivon'ny Firenena Mikambana, na ny ONU iza-ny efa hatramin'ny taona 1979, ka tsy tokony hia-dian-kevitra intsony. Teny amin'ny Antenimierando-

holona Malagasy no na-naterin'izy ireo izany taratasy izany, satria ny Antenimierandoholona Frantsay andro vitsy izay no nilaza fa tsy ho averina amin'ny Malagasy ireo Nosy ireo, ka ho hita eo koa ny hataon'ireo sena-teran'i Madagasikara ho fanoherana izany.

Isambilo



Nosy Malagasy feno harena, anisan'ny mbola bodoi'nny Frantsay.

Depiote Mamangy Norbert na Jaky

Tsy misy fampandrosoana azo tsapain-tanana eto amintsika



Ny depiote Mamangy Norbert, na depiote Jaky.

Tsy misy fampandrosoana azo tsapain-tanana eto Madagasikara amin'ny lafiny rehetra, hoy ny Solombavambahoaka Mamangy Norbert dit Jaky, avy amin'ny tsy miankina, voafidy tany amin'ny Distrikana i Sambava, fari-tra Sava. Ekena hoy ity olom-boafidy ity fa misy ny fahasahiranana ara-paha-salamana kanefa tsy voafehy ny toekarena, ny tsy fandriampahalemana, tsy midina ny vidim-piajinana ary miha-ratsy ny tontolo ambanivohitra amin'izao fotoana izao. Nanohy nazava ity Solombavambahoaka voafidy tany Sambava ity, fa manom-boka mimenomenona ny vahoaka ao amin'ny Distrika iadidiany satria

ham-pirenena nandritra ny fampilezan-keviny ny fampiakarana ny saran'ny Lavanila kanefa ny zava-misy dia mitotongana izay tsy izy ny saran'izany eto Madagasikara kanefa tsy niova akory ny saran'ny Lavanila eo amin'ny se-hatra iraisam-pirenena (4.825.000 Fmg/kg). Raha ny fanampiana aratsosialy atao'ny fanjakana no asiana resaka, nilaza ny Solombavambahoaka Jaky, omeo anjary avokoa ny mponina any amin'ny faritany, fa tsy natokana ho an'Antananarivo irery ihany ny fanozana avy amin'ny Mpamatsy vola ary fantatra fa ny taranaka Malagasy rehetra no hanefa ny trosa, ka tokony higoka

an'izany ny olona rehetra. Nanamafy ity olom-boafidy ity, fa avelao ny mpanohitra hamoaka ny heviny ary tsy azo atao ny manenjika olona resy satria ny tody tsy misy fa ny atao no miverina. Ekena hoy ny Solombavambahoaka Mamangy Norbert, fa misy ireo ezaka nataon'ny Mpitondra kanefa tsy hita taratra izany no-hon'ny fitotongan'an'ny Sosialim-bahoaka ary efa manomboka mitsikera ny fitondram-panjakana ny vahoaka, hoy ity olom-boafidy ity manoloana ny fanatantehana ny fam-panantenana nataon'ny filoham-pirenena nandritra ny fampilezan-kevitra nataony.

Franck Razakambelo

Taratasin'ny mpamaky

Fanehoan-kevitra ampitaina amin'ny gazety Ny Valosoa Vaovao izao manaraka izao : arakaraka ny hitondrany fanazavana no vao mainka mitondra ny ministry ny atitany anaty RIDICULE. Lazainy fa secret d'Etat hono ireny ary dia hanao enquête izy. O ray olona, izy indray no miseho victim.

Milaza koa nefo izy fa DON ireo entana ireo.

•DON ve ho secret d'Etat rangahy ity a!!

•DON ve hisy factures détaillées.

•DON ve nefo tsy figuré akory ny anaran'ny donateur.

Tena efa mamohehtra loatra, tsy vitan'ny hoe RIDICULE fa tena NAUSÉABOND.

Na ny zavatra lazainy aza contradictoire daholo.

Dia tohizo ihany ny fieritreretana ny Malagasy ho bado... tohizo... wait and see...

Mampianatra ny taranaka tsy hanana morale intsony ireto, fa efa toa jiolahy daholo.

Tsy misy firenena vanona, ary tsy mieritreritra hanan-gana olombanona fa tena toa gangs au pouvoir.

Ary ny institutions rehetra dia responsables ao anatin'izany: Bianco, Justice...

Ny tena Marina dia izao, efa fantatra fa lainga marivo tontotra daholo no entina hanamarinana iny halatra bevata iny ary minia mangina daholo ny complice rehetra satria isan'ny tena tomponantoka ny amin'ny doublons io, ka sao mibaradaka eo raha roahina.

Ireny no atao hoe Poste takalopatsa.

Izy milalao miliara noho ny fahorianao ry Malagasy.

Nazim Badouraly

Mpamaky gazety Ny Valosoa Vaovao

Ny Valosoa sy fakafaka

Fiainam-pirenena

Tsy ataon'ny mpitondra ny andrasan'ny vahoaka

Saika matroka avokoa ny zoro rehetra izay topazamaso amin'ny lafiny samihafa amin'ny fiainam-pirenena amin'izao fotoana izao. Sarotra antenaina araka izany ny lalan-kizorana itondrana ny firenena amin'izao fotoana, satria tsy araka ny andrasan'ny vahoaka ny zava-misy sy ataon'ny mpitondra. Isan'andro tsy maintsy misy mponina mitaraina sy mitomany fa nailika amin'ny fanampiana fitsinjovana aratsosialy, ary misy hatrany ny tsy fahatomombanana amin'ny fizarana. Toe-javatra efa hatrany am-boalo-hany, ka mandraka ankehitriny io tsy mizotra amin'ny laoniny io. Tsikaritra fa tsy hahavaha ny olana sy hampirindra izany mba hilamina tanteraka ny fitondram-panjakana. Manao zavatra kanefa tsy mahafapo ny vahoaka.

Miha-sarotra isan'andro ny fiainam-bahoaka anda-vanandro. Midaroka ny isan-tokantrano sy isam-pianakaviana ireo olana maro amin'ny lafin-javatra ara-tsosialy : ny sakafo fototra sy zavatra ilaina isan'andro, ny fahasalamana, ny fianaran'ny ankizy ; ny tsy fandriampahalemana, ny fihariana sy fivelomana, sns... Tsy misy tokontaniny araka ny fitene-nana ireo rehetra ireo ary tsy manana vahaolana mazava amin'izany ny fitondrana Rajoelina.

Misy hatrany mpiasa very asa na voatery hajanon'ny mpampiassa noho ny olana manjo ny orinasa. Ira-ha-mahita tsara ny fanakatonana orinasa Malagasy amin'izao fotoana izao, ary norahonana mihitsy aza, fa tsy mba nitadiavan-kevitra ny fano-hanana azy hatanjaka bebe kokoa. Mifanohitra tanteraka amin'ny fikasana hizotra mankany amin'ny lalan'ny fisandratana nohindrahindraina mafy anefa izany. Mitombo isa ireo mpiasa tsy an'asa na mihan-tona amin'ny asa ka manampy ireo efa tsy an'asa aman'hetsiny maro eto amin'ny firenena izany.

Nihena ny fisokafana orinasa tamin'ity taona ity, ny efa misy rahateo izao nakatona, hany ka misy fian-traikany lalina eo amin'ny lafiny ara-tsosialy izany fa tsy ara-toekarena fotsiny. Mazava loatra, fa ho osa ny taha-pitomboan'ny toekarem-pirenena, ary ho re-sabe fotsiny ihany ny tanjona, ka mba hapetraka ny taha 4 % mahery hotratraria amin'ny taona ho avy. Raha tsy ohatra angaha, ka hampihâtra jadona sy amboletra be amin'ireo orinasa amin'ny fanerena handoa hetra no hataon'ny fitondrana, tahaka ny fikasan'ny Ben'ny tananana'ntananarivo renivohitra amin'ny mponina. Efa misy taratra kely hita amin'izany amin'izao fotoana izao, fa tsy mbola fantatra ho hatraiza ny hamafiny sy hiafarany. Ho hita eo ihany ny amin'izany. Tsy maintsy misy fiantraikany amin'ny fiainam-bahoaka anefa izany.

Hatreto, ny vahoaka no mibaby ny tsy fahaiza-ma-naon'ny fitondrana. Raha fitondrana manana tra-kefa tokoa amin'ny fitantanam-pirenena, efa hita soritra na dia ao anatin'izao hamehana ara-paha-salamana izao aza, ny vokatra tsara nentiny, nefo voka-dratsy no hita ankehitriny. Tsy izany anefa no zava-misy fa miha-mafy sy miha-maizin-kitroka ny fiainan'ny sarambabem-bahoaka.

Sôh'son

Ny Valosoa sy hadihady

Tsy mitondra mankaiza ny tarehimarika sy fampantanenana

Manezaka mafy mitady famatsiam-bola avy any ivelany ity fitondrana ankehitriny ity. Idedahana mihitsy avy eo ny fahazoana volabe avy amin' ireo mpamatsy vola iraisam-pirenena. Anaovana vely aponga amin'ny haino aman-jerim-panjakana mihitsy ny amin'ny niavian'ny famatsiam-bola, ka ilazana fa nahazo fanampiana ny firenena. Tsy hotanisaina eto aloha hoe iza avy izy ireny, fa atao bango tokana ka ambara fa samy ahazoan'ny fitondrana na avy any andrefana na atsinanana na ihany koa aty Afrika. Volabe amina miliara maro izy ireny, misy miompana amin'ny tetibolam-panjakana, ary misy volabe anampiana ny firenena ao anatin'izao hamehana ara-pahasalamana izao. Tsy idirana ny antsipiriany, fa ny hotsindriana dia tsy fanampiana maimaimpoana ny an-kamaroan'izy ireny, fa misy trosa ary tsy maintsy averina. Aman-taonany marobe no fotoana hamerenana azy, fa tsy ao anatin'izao fotoana hitondran-dRajoelina izao ihany akory. Izany hoe hampibabeny trosa ny taranaka fara aman-dimby. Tondro iray lehibe io handrefesana na misandratra ny firenena na tsia handritry ny fitondrany. Manoloana izany rehetra izany, dia azo tsorina amin'ny hoe voafatotra arynofatorana mafy ao anaty gejan'ny fitrosana ary misoka ao anaty fahabokan-trosa ny firenena amin'izao fotoana izao. Dia hiseho hanome tarehimarika fampitahana amin'ny firenen-kafa indray avy eo ny fitondrana ilazany fa ambany noho ny an'ny hafa io trosabe io.

Niha-nitontongana hatrany amin'ny 0,8% ny taha-pitomboan'ny toekarena amin'ity taona ity, ary mety ho mbola latsaka izany aza. Raha novinavina hatrany am-piandohana hiakatra ho 4% mahery ary nofinofisina ho tonga hatrany amin'ny 5% mahery izany amin'ny taona hoavy, dia tsy ho tratra izany noho ity krizy ara-pahasalamana ity. Kanefa na tratra aza izany, ary raha tsy nisy valanaretina, dia fantatra tsota izao, fa tsy hisy fiantraikany eo amin'ny fainambahoaka andavanandro. Ny tarehimarika matetika lalaovin'ny mpitondra hatrany handemen-tsaina ny vahoaka. Tsy mifanaraka amin'ny zava-misy lainana tanteraka anefy ny tarehimarika ventesina. Mety ho ny toekaren'ireo vahiny mpangoron-karena eto amin'ny firenena, na ny harenan'ireo olona eo amin'ny fitondrana sy ny manodidina na hatramin'ireo mpiara-

dia aminy no nitombo, fa tsy misy fiantraikany any amir'ny ati-vilanin'ny isan-tokantrano izany. Ka n'ino na n'inona tarehimarika tanisain'ny fitondrana man-drapahatapitry ny fotoam-piasany, na ho tonga hatrany amin'ny 6% mahery aza, dia vilian-tsahona ihany izany. Lavitry ny afo ny kitay amin'izany hoan'ny sarambabem-bahoaka, fa ireo mpanankarena sy mpanefoefo ihany no migalabona amin'izany.

Mitanisa tarehimarika ny filohan'ny Repoblika tamin'ny alahady lasa teo. Anisan'izany ny isa tamin'ireo nisotro ny tambavin'ny fitondrana izay nolazainy ho nahatratra 7 tapitrisa. Tena marina ve izany, ary hino izany ve ny maro? Mbola miresaka isa ihany koa matetika ny fitondrana amin'ny fampitahana ny tranga misy eto amintsika amin'ny valanaretina amin'ny any ivelany. Ny zava-misy, tsy miraika amin'izany ny maro, fa ny tranga hitan'ny masonry no andrefesany ny fidonan'ny valanaretina eto amin'ny firenena. Pofon'izany, sahirana ny fitondram-panjakana nan-dresy lahatra sy nanentana ny mponina amin'ny fepetra samihafa tokony horaisiny, ary zara ireny raha tafta raha tsy teo ny sazy isan-karazany. Ny vahoaka mijery ny zava-misy marina iainany, fa tsy izay tarehimarika entina isan'andro amin'ny haino-vaky-jery no miditra amin'ny sainy eo. Ny raisiny angaha dia izay sorit'retina mety hahakasika ny tenany, dia izay.

Nambara ombieny ombieny, aman-taonany maro, fa ity firenentsika ity dia tany manankarena na ambonin'ny tany na indrindra ambanin'ny tany. Fa amantaonany maro koa tsy nisy fiantraikany tamin'ny fainany izany hoan'ilay vahoaka Malagasy. Ny zavatra toy izany no manefy miandalana ny saim-bahoaka tsy hiraika intsony amin'izay ambaran'ny fitondrana, raha tsy ohatra angaha ireo olona voatampi-maso no mbola voafitaka lava. Ny an'ny vahoaka tsy mila mihaino izay tarehimarika na atao miavaka aza, fa ny fipakan'izay nataon'ny fitondrana amin'ny fainany isan'andro ihany no tadiaviny. Fandaniam-potoana ihany ny fitanisana tarehimarika amin'ny lafin-javatra samihafa, fa ny vahoaka efa mahafantatra izay ilainy na dia atao toy ny zaza ny hiheveran'ny fitondrana azy. Politika lany andro ny fitanisana terahimarika.

Sôh'son

Fifidianana

Manaiky ny kitoatoa amin'ny fifidianana Loholona ny CENI

Vao vita ny fandianiana ny lalàna teny Tsimbazaza sy ny fankatoavan'ny HCC azy, dia mailaka mihitsy teo anivon'ny Vaomiera mahaleotenam-pirenena misahana ny fifidianana, na ny Ceni, namoaka datim-pifidianana ho amin'ny fanatanterahana izany. Nanaitra ny sain'ny mpanara-baovao sy olom-pirenena maro ity fihetsiny ity satria iaraha-mahita sy mahalala tsara ny fipetrakty ny raharaha manodidina ity fifidianana Loholona ity. Ireo mpifidy lehibe, araka ny lalàmpanorenana, no mifidy azy ireo. Anisan'ireo mpifidy lehibe anefy ny Ben'ny tanàna sy mpanolotsaina any ani-

von'ny kaomina manerana ny Nosy. Fantatra tsara, fa mbola misy kaomina tsy manana Ben'ny tanàna sy mpanolotsaina. Mbola misy raharaha fitoriany eny amin'ny fitsarana momba ny fifidianana Ben'ny tanàna sy mpanolotsaina, efa am-bolana maro tsy misy valiny, fa karazany lalaovina fotsiny tsy asian-teny na kely aza. Raha tsy hiresaka afa-tsy ireo ihany, dia miara-mahita izany fa hisy solotena avy amin'ny kaomina maromaro eto amin'ny firenena tsy handray anjara amin'izany fa ho bangga ny azy. Izany hoe tsy ho feno ny isan'ny mpifidy lehibe tokony handray an-

jara amin' io fifidianana io, izay fifidianana manana ny anjara toerany lehibe eto amin'ny firenena. Atao an-tsirambina ve izany, ary izay tiana atao eto amin'ity firenena ity no ataon'ny manam-pahefana amin'izany? Hinia hikimpy amin'ny fision'ny fahabangana ao anatin'izany fifidianana izany ve ny Ceni? Tsy olana ho azy, toy ny efa niasany tamin'ireo fifidianana rehetra teo aloha tsy tomombana ara-dalàna nanara-ka ny rariny sy hitsiny, ny mbola tohizany ankehitriny? Nam-piteny ny moa-na ny fahabangany isan'ny mpifidy sy nanjo azy ireo tao anaty lisi-pifidianana, kanefa

nikimpian'ny Ceni fotsiny izao. Nisy mpi-kambana iray mba niezaka hanitsy ny tsy fahatomombana sy ny kitoatoa tao tao anaty fifidianana kanefa ireny niaraha-nahita ireny ny nanao-vana azy ary dia voatery nametra-pialàna ny tenany. Moa tsy firaiana tsikombakomba amin'ireo andrimpanjakana hafa ve ity atao-ny mamoaka daty maika ity?

Ny fifidianana mbola ho avy rehetra izany, raha araka izao zava-misy izao, dia azo heverina mbola ho toy ny rehetra teo aloha ihany. Lalan-dratsy araka izany no itondrana ny firenena.

Sôh'son

Fifidianana Loholona

Ravao aloha ny Ceni sy ny governemanta vao hatao

Hentitra ny Loholoni'i Madagasikara, Olivier Rakotovazaha, raha naneho ny heviny momba ny tolo-kevitry ny Ceni, hanatanterahana ny fifidianana loholona eto Madagasikara amin'ny 11 Desambla 2020 ho avy izao. Ravao aloha ny governemanta sy ny Praiministrat hoy izy, toy izany koa ireo sehatra samihafa momba ny fifidianana toy

ireo mpikambana eo anivon'ny Ceni, sy ireo rantsa-mangai-kany manerana an'i Madagasikara. Ankoat'izay, dia nilaza ihany koa ity Loholona ity fa feno hosoka ny fifidianana nifanesy teto amintsika, ka mila diovina aloha ny lisi-pifidianana miainga eny amin'ny fokontany. Mila esorina ihany koa ireo voasoratra fanandro-any ao anaty li-

sitra sns... Ankoat'izay, dia nilaza ity loholona ity fa tsy matahotra fifidianana akory, fa ny fandiovana no toko-ny hatao aloha vao miro-so amin'izany satria efa leon'ny hosoka sy ny hala - bato ny vahoaka malagasy. Manginy fotsiny ireo kao-minina tsy mbola manana ben'ny tanàna akory, nefo ireo mpanolo-tsaina sy ny ben'ny

tanàna no hifidy ny loholona. Nanamafy hatrany ity Loholona ity, fa tsy matoky intsony ny fitondram-panjakana ankehitriny ny vahoaka, ka tokony ho banjinina amin'izay ny fanjakana tan-dalàna sy manaja ny demokrasia marina eto Madagasikara.

Rajo

RADIO FAHAZAVANA**10 taona lasa ireo mpanao gazetiny nogadrain-dRajoelina**

08 Septambra 2010 – 08 Septambra 2020, feno 10 taona katroka izay ny nitsingerenan'ny andro nivoahan'ireo mpanao gazetin'ny onjam-peon'ny fiangonana FJKM, Radio Fahazavana ny fonjan'Antanimora. Nan-dritry ny 110 andro, izany hoe telo (03) volana mahery izy ireo no notanana am-ponja. Naharitra valo andro no notanana teny amin'ny BC Anosy, izay tena tsy aradalana, satria tokony ho 48 hihany no nitazonana an'izy ireo tao, avy eo vao nampidirina teny Antanimora. Niisa folo (10) mianadahy izy ireo no nosamborin'ny fitondrana tetezamitan-dRajoelina, ka ny enina (06) mpanao gazety, ny roa (02) teknisiana; ary ny roa (02) mpiambina (sécurité). Toy ny vao omaly izany ary tsy ho hay hadinoina velively satria ny asa amin'ny maha mpanao gazety no nataon'izy ireo, ary tsy nisy fatahrana amin'ny fampitâna amin'ny vahoaka ny marina amin'ny zava-misy tetu amin'ny firenena. Tsy zakan'ny mpitondra mpanongam-panjakana tamin'izany fotoana izany io fihetisk'ireo mpanao gazety ireo ary noheveriny fa nanohintohina azy amin'ny fahatongavana teo amin'ny fitondrana. Nataony avokoa araka izany ny fomba hanenrehana sy hisamborana ireo mpanao gazety ireo. Ny raharraham-pivavahana notarihin'ny Het-siky ny Mpitondra Fivavahana (HMF) teny akaikin'ny Mausolée sy ny tobini'ny zandary FIGN ny Alakamisy 20 Mey 2010 no hirika nidiran'ny mpitondra, tamin'ny alalan'ny mpitandro filaminana, nisambotra ireo mpanao gazetin'ny Radio Fahazavana. Ny harivan'io andro io izy ireo no voasambotra, ary rehefa nandraoka ireo ftaovana sy entana samihafa rehetra, hatrany amin'ny ftaovana fandrahoan-tsakafo, tao amin'ny toerana nisy ny onjam-peo teny Imarivolana sy namidy ny onjam-peo, dia nitondra avy hatrany ireo mpanao gazety teny amin'ny BC Anosy. Nanomboka tamin'ny 12 ora alina ny fakàna am-bavany ary hatramin'ny 06 ora maraina. Niaina ny andron'ny Pentekosta sy ny Alatsinain'ny Pentekosta tao izy ireo, ary ny harivan'ny 27 Mey no nakarina teny amin'ny parquet Anosy, ary taorian'izay ny alin'ny ihany dia nampidirina am-ponja teny Antanimora.

Mafy ny valo (08) andro niainana tao amin'ny violon-n'ny BC Anosy, tao anaty efitra kely dia kely niaraka tamin'ny olon-kafa. Valo andro izay tsy manaraka velively ny lalàna satria 48 ora ihany raha ela no tokony hihazonana olona ao. Nanao izay tiany natao tokoa ny fitondrana tetezamita tamin'izany fotoana izany, nohitasakitsahany tanteraka ny lalàna. Mbola mafy nihoatra an'izay koa ny niainana teny amin'ny fonjan'Antanimora handritry ny telo (03) volana mahery. Toe-javatra maro samihafa no natrehiny. Sarotra ny hanadino izany hoan'ireo mpanao gazety, na izy 10 mianadahy mihitsy. Andry Rajoelina no nahavita nanagadra mpanao gazety be indrindra teto amin'ny firenena hatramin'izao. Rehefa mitondra firenena izy, tsy maintsy misy mpanao gazety nigadra.

Sôh'son

TONONKALO

ADALA MPANOLOTSAINA ?

Rehefa ireo olona mpanolotsaina
No sefon'ny bizina ety an-tanàna,
Dia mieritrereta ry filoha hajaina,
Fa efa hirodana ny fitondrana

Fandoto iray tandroka ny toy izany,
Ka dia manapoizina ny mpianakavy.
Lazaina fa loza tsy roa aman-tany,
Satria ny ao an-trano ihany no mpamosavy.

Tsy hanoro hevitra no imasoany.
Tsy 'zany tsy akory no be ao an-tsainy.
Ny hameno paosy no tena ijoroany.
Talentany ireny, tsy atoro fa hainy.

K'aleo re ny zanaka, hono, no adala,
Toy izay ireo voafantina hanolo-tsaina.
Esory malaky mba tsy ho ao am-bala
Ireo ratsy fa sao dia haningotra ny aina.

TSIMIMALO

FERNAND CELLO

Manohy manampatra fahefana ny filohan'ny fitsarana any Ambovombe

Manohy manampatra fahefana ny filohan'ny fitsarana any Ambovombe Androy, hoy ny mpanao gazety Fernand Cello.

Mitovitovy amin'ilay efa nisy teo aloha ihany izao fihetsika ataon'ny Filohan'ny fitsarana ambaratonga voalohany ao Ambovombe Androy izao, hoy izy. Milaza ity mpanao gazety ity:

- Misy fitoriana ady heloka mandeha eny amin'ny zandary, izay mbola tsy tapitra akory, dia efa namoaka Ordinance sur Requête sahady ilay président, toy ny hoe efa malmaly ny mety ho tohin'ilay famotorana ataon'ny zandary, tranga efa nisy teo aloha izany.
- Ankehitriny indray: Efa ny faran'ny volana aogositra no nametraka fitoriana resaka "Faux et Usage de Faux" teny amin'ny GAPJ ao Ambovombe Androy ny olona iray, ary efa nandeha ny famotorana andro vitsivitsy lasa izay.

Voaporofy ny fisian'ny hosoka satria zanak'olona hafa no nisandohan'i Ramatoa Helvine dit Helike sy i MAHALEO ary namamboarany taratasy fangananana hosoka, mba hafahan'izy ireo mahazo ilay fiara nisy olana teo aloha. Ny Rain'ilay Zaza anefa ninditra ho vavolombelon'ny Mpitory ao amin'ny zandary, ary manana horonam-peon'ireto mpanao



Ny mpanao gazety Fernand Cello.

hosoka nanambitamby azy mba hanome ilay zaza hoentina miady fanànana eny amin'ny Fitsarana. Raha mbola tsy vita ny famotorana ataon'ny zandary: omaly indray, dia namoaka convocation miantso ny andaniny sy ny anki- lany, hiatrika fitsarana ady madio resaka fizaram-pàna ny alakamisy ho avy izao ity Président Tribunal ity, kanefa ny taratasy nampiasain'ireo nanao Requête ireo dia ilay Faux et Usage de Faux mandeha any amin'ny zandary.

- Nametraka Lettre De Constitution tao aminy, ary nangataka "Copie "an'ireo "Pièce "nanao-

vana "Requête "amin'ilay ady madio nolazainy fa handeha ny alakamisy ho avy izao ny avocat ary indrina fa ilain'ny zandary amin'ny famotorana ilay izy, saingy tapitra noesorin'ny ao amin'ny Fitsarana avoakoa ireo pièce rehetra, ary sahiny mihintsy ny milaza fa tsy misy pièce ao, fa requête fo- tsiny ihany. Marihina fa fa voalaza ao anaty" Requête "anefa ny fisian'ireo "pièces" rehetra ireo.

- Mikasika ilay" Lettre de constitution "indray, gaga ny mpitoky raha niverina avy any amin'ny "President "ilay "avocat", nilaza fa tsy hanao sonia ny ta-

ratasy hono i President raha tsy amin'ny alakamisy.

Ny mampalahelo dia asehon'ity President ity mi- hintsy fa azy ny Fitsarana, ka izay tiany hatao ihany io.

Efa nisy ny fandraisana andraikitra nataon'ny Minisitra roa lahy teo aloha (SEG, Min Justice), saingy mbola manohy ny ataony ihany ity filohan'ny Fitsarana ambaratonga voalohany ao Ambovombe Androy ity, ka hanairana indray ireo tompon'andraikitra mahefa, fa indrina ny CSM hijery akaiky ny Fitsarana ao Ambovombe.

Ny Valosoa

Mazotoa mihira

Efa mahazatra sy lasa fomba fanao mihitsy ny manolotra tononkira ho anao mpamaky eto amin'ny gazetintsika, ny tanjona dia fanabeazana sady fampialana voly ihany koa, ary tsy hadino ny fampitan-kafatra. «Fay», hira nanana ny lazany tany amin'ny taona 1974 ary mbola tsy lefy laza hatramin'izao, atolotra ho anao izay voafitakin'ny mena miraviravy sy ny lainga tsara lahatra.

FAY


Miphira : Ny Vahine / Mpamorona : Rakoto David

Nahatsiaro fa nania sahy nandao Satria nanenika ahy Ny fakampanhay, namaivay Nahatsapa, fa nanda ny anatrazo Ka tsipak'ombalahy no nahavoa ahy Hany ka fay Taitran'ny rendrarendra Tanora moa ny tena Ka tsy nahatohitra firy Ny fandrosoana, izay nisavoana Raha nandao anareo Ity zanakareo Nanao ditra tokoa

Nefafay izao fa voa Ka tsy hamerina intsony Ny hadalana dada malala o Kä mivalo aminao Ity zanakao

Isan'andininy:

Nahatsiaro fa.....
.....hany ka fay



Sakafo Ny Valosoa



Henakisoa sy amalona indray no laoka amin'ny Sakafo eto amin'ny gazetinao androany. Azo atao avokoa na amalona lena, na amalona maina. Atao ritra izany, na atao saosisaosy ihany koa. Dia mazotoa homana tompoko.

NY VALOSOA sy Mahasoa

Ny soa azo avy amin'ny hodina voasary

Ny soa azo avy amin'ny hodina voasary indray no Mahasoa eto amin'ny gazetinao androany. Ao anatin'ny hodiny no tena misy ny vitamine C satria 71mg vitamine C ny ao anatin'ny voasary, fa ny 136mg vitamine C no ao anatin'ny hodiny.

Ireto ny zava-tsoa entiny:


- 1- Miaro amin'ny cancer, na homamiadana.
 - 2- Mampilamina ny tahan'ny siramamy ao amin'ny râ.
 - 3- Miaro ny fo, mampidina tosi-drâ, mampidina tahan'ny cholestérol ao amin'ny râ.
 - 4- Mampihena vatana, manala tavy.
 - 5- Tsara ho an'ny maso.
 - 6- Manampy amin'ny fandevonan-kanina.
 - 7- Anti-inflammatoire.
 - 8- Manatsara ny nify, manadio nify.
 - 9- manatsara ny hoditra.
 - 10- Tsara ho an'ny taovam-pisefona, manala kohoka sy sery.
- Atao dite izy mbola mando na efa maina. Atao hevoka manala aretin' an-doha migraine. Hamainina dia totoina asiana tantly atao amin'ny tarehy: manala tasy, mony.



NY VALOSOA sy Mahaliana

Ny tanànan'i Marogaona, any amin'ny distrikan'i Sambava, faritra Sava


Ny tanànan'i Marogaona, any amin'ny distrikan'i Sambava, any amin'ny faritra Sava indray no Mahaliana eto amin'ny gazetinao androany. Renivohitry ny kaominina Marogaona ity tanàna ity, any amin'ny faritra Sava no misy azy. Efa mihavoavao toerana izy satria 120 m ny haavony mohatra amin'ny ranomasina. Amin'ny kaominina ambanivohitra azy, azo lazaina ho mbola ratsy ny lalana mihazo an'i Marogaona. Toy ireo kaominina any amin'ny distrikan'i Sambava, vokatra any ny voly fannondrana lava- nila.



VALANARETINA CORONAVIRUS

85 ny tranga vaovao, 53 ny marary mafy

Tsy nisy ny olona namoy ny ainy noho ny valanaretina coronavirus omaly teto Madagasikara. Arak'izany, mijanona ho 206 ny olona lavon'ity valanaretina ity eto amintsika. 85 ny tranga vaovao, noho izany 15520 hatramin'ny omaly ny olona nitondra sym bola mitondra ny tsimokaretna corona eto amintsika. Ny sitrana dia 24, hatramin'ny nidiran'ny valanaretina teto Madagasikara, 14243 ireo olona efa sitrana soa aman-tsara. Ho an'ireo marary mafy kosa na formes graves, miisa 53 izy ireo ary mbo-la manaraka fitsaboana



Ireo tarehi-marika avy eny amin'ny CCO covid 19 eny Ivato omaly.

eny amin'ny hopitaly misahana ny fitsaboana ity covid 19 ity. Mbola misy ary mamely ny valanaretina covid 19 eto Madagasikara, noho izany mila

mitandrina sy manaraka ny fepetra rehetra ara-pahasalamana hatrany ny rehetra.

Stefy

Etazonia-Madagasikara

Hanampy ny fanofanana ireo polisy Malagasy ny Amerikana



Ny fihaonana teo amin'ny ministry ny filaminam-bahoaka, sy ny lehiben'ny fiarovana ara-diplomatika, ao amin'ny Masoivoho Amerikana.

riana ny hivelaran'izany indrindra eo amin'ny fam-piofanana ireo Polisy Malagasy. Tsy nisalassala ity lehiben'ny fiarovana ara-diplomatika Amerikana ity

nanome toky, fa vonona izy hanampy ny Polisy Malagasy raha ilaina izany.

Isambilo

Kaominina Ampitatafika

Vita ny tsena fa miandry fitokanana sis



Ny ben'ny tanànan' Ampitatafika, Rado Ramparaoelina.

ny koa ny mpitantana, fa ny kaominina no hitanta-na ny tsena, fa tsy omena ny hafa. Natao hampano-faina mantsy ity tsena ity, ka mety hiakatra ny ho-fany noho ny habetsahan'ny mpanjifa. Nilaza ny ben'ny tanàna, fa tonga dia

aloa ny hofan'ny tsena ao anatin'ny enim-bolana, ary avy eo dia manao fi-fanarahana vaovao indray amin'izay resaka manaraka. Ho raisina ny fepetra hoy ny fanazavan'ny ben'ny tanàna raha vao tsy mifanaraka tamin'ny fi-fanarahana ny roa tonta. Tsiahivina, fa ny tanjona niarohana tamin'ny vondrona Europeana dia ny hampitombo ny vola miditra ho an'ny kaominina hampandroso ny asa amin'ny ankabopeny. Tsiahivina ihany koa, fa efa voaloa tsy tapaka hatrany ny karaman'ny mpiasa eo anivon'ity kaominina ity isam-bolana, na dia tao anaty hamehana ara-pahasalamana aza isika eto Madagasikara.

Rajo

NY TENY FIANANA

Ny Baiboly Malagasy

"Ny lalàn'ny fahamarinana no teo am-bavany, ary tsy mba nisy tsi-fahamarinana teo amin'ny molony; tamin'ny fiadanana sy ny fahitsiana no niarahany nandeha tamiko, ary maro no nampialainy tamin'ny heloka."

Malakia 2:6

facebook

NY VALOSOA
Gazety misioho Intelo Ison-kirinando VAOVAO

Tsy ampy ny fitiliana, na test coronavirus eto amintsika



Rija Ramahatandrina : 400 tests par jours ve sisa eto Madagascar?? Trop be an!! Sao dia hamitatena eh!! Tena tsy ampy ny fitiliana vita, dia izay no anisan'ny antony mampihena ny voan'ny valanaretina coronavirus eto Madagasikara.

Faniry Presley Ranaivojaona : fahiniana ampidinina io, amin'izay dia hoe voafehy ny aretina, na dia tsy voafehy aza hatramin'zao.

Andry Te : manomana 2è vague e ! ny any Europe efa miditra amin'ny 2è vague izay. Io dia midika fa tsy tena maharesy ny coronavirus ny hafana, satria mafana be any Europe amin'izao nefo miverina mirongatra ny covid 19.

Rija Ramahatandrina : tena mbola mety hiverina hirongatra ity valanaretina ity eto amintsika, indrindra amin'izao fisokafan'ny taxi-brousse zone nationale sy régionale izao.

Kiraro Sy Poketra : mampatahotra fa de samy mitandrina, zay ihany no tsara indrindra. Ilay fitondrana efa hita fa tsy mahafehy mihitsy ialy aretina, ny tarehi-marika toa amboarimboarina. Dia samy manao izay hitsaboana ny tenany izy ity, hatao mafy ny hery fiarovana samy hafa.

Roméo Andriamanantena Rasolofo-manantsoa : efa nanao test vé aloha ianao e? Si non, mandehana mba ho lasa 401 fa miandry ny mpanao test . Ny tsapa tokoa dia tsy mvitrika manao fitiliana ny olona. Ny fahavitana fitiliana maro anefa no hahafhana mifehy haingana ity coronavirus ity.

Hanzo Manga : fa maharaka indray va ny mpanao test no miandry azy?

Roméo Andriamanantena Rasolofo-manantsoa : ny mpanao test ro tsy misy koa fa salama ny olo, 750 par jour ny capacité n'releo laboratoire eto farafahakeliny raha ny fahitako azy hatra-mizay.

Naty : ka mila ampanarahana ny te-nin'ny prezi oe midina ny pika ehh.. avy eo tsy misy test tsony d tsy misy 2ème vague. Mamita-tena tokoa isika, fa dia aleo samy mitandrina ny tenany. Tsy ho raharahan'ny fitondrana intsony izany ny marain'ity aretina ity atsy ho

atsy, raha izao tokoa no mitohy, nefo mbola tena misy eto amintsika ny valanaretina.

Misaharison Rija : ny anay ary 20 par semaine ny test e !!!

Andriamasinavalona Nirinasoa Ranaivoarivony : io zany dia mbola ave-riko foana fa raha Tiana hihena ny nouveaux cas Dia ahenao koa ny test logique bé zany, ary izay no ataon'ny mpitondra izao io.

Varotra Mora : ka ny olona mihitsy no tsy tonga manao fitiliana. Anisan'ny antony, misy fanavakavahana ny fahzoana ireo tosika sosialim-bahoaka samy hafa.

Mbola Andriamb : efa tsy marary ny olona dia tsy manatona, ka inona no olona. Ny zavatra tsapa koa anefa tsy manatona hopitalim-panjakana ny va-hoaka, fa mandeha amin'ny mpitsabo tsy miankina, sy amin'ny toeram-pitsa-boana tsy miankina.

Potsifery Milamina : amzay kosa mi-hena ny marary ko, mamita-tena, sy mamilaka ny vahoaka izany raha izany ny mpitondra.

Natacha Rabeony : aleo ary ts asina tsony d tsisy marary zany tsony. Ef leo fihobhana. Aleo amzao d samy mtsabo n tenany zay ts azo2 . Sady n andro ef mafana tsisy atahorana tsony.

Andrianirina Lazaso : fa angaha moa tsy hoe izay te hanao test de man-keny amin'ny village Voara? Sa efa tsy misy intsony eny? Raha mbola misy anefa eny dia io 400 io izany no olona tonga eny.

Gervais Randriatahina : iza no man-kanana anao tsy hanao 1000/jrs rah ma-hita an'zany enaw ?

Rivonirina Barivo Kely Raherison : ny olona izao efa any @ fitadiavana no mahamaika azy, ka ny anareo mbola izao tests izao foana.

Marie Ninah : tena marina mitsy! ref maken Andotapenak d oe ze tena misy sorit'retin iany. no atao test nef le jeren oe salam no tena hamindra fa tsitsin on d lazain fa voafehy le izy. ny test kel io no atao!mitandrema ihany ry vahoaka madinik sao ripak! Téna mbola misy ny valanaretina a!

ANDRO IRAISAM-PIRENENA 8 SEPTAMBRA

Ireo tsy mahay mapihàtra ny lalàna no atao hoe bado

Afak'omaly 8 Septambra no andro iraisampirenena ho amin'ny fampianaranara mamaky teny sy manoratra. Ho antsika eto Madagasikara, nisy ny ezaka nataon' ireo mpitondra nifandimby nandritran'ireo repoblika nifanesy nadiana tamin'ny tsy fahaza-mamaky teny sy manoratra ary manisa.

Tamin'ny Repoblika voalohany, dia ireo miaramila misatro-maintso avy ao amin'ny « service civique » no nisahana ny fampianaranara ireo tsy nahay namaky teny sy manoratra ary nanisa, tam'in'ny Repoblika faharaoa dia ireo mpianatra afaka bakalorea nanao fanompoampirenena ivelan'ny tafika, no nampiandraike-tina ny asa.

Nofaanana ny fanompoampirenena ivelan'ny tafika nanomboka tamin'ny Repoblika fahatelo, ka endrika hafa indray no nisehoan'ny fampianaranana. Ny fitondrana notarihan'ny Filoha Marc Ravalomanana, ankoatran'ny fa-

naovana ny ady amin'ny tsy fahaiza-mamaky teny sy manoratra ary manisa dia nahatsapa fa ny foto-trin'ny olana dia ny tsy fidirana an-tsekoly fony mbola kely, ka namporisika ny ray amandreny handefa ny zanany antsekoly dieny mbola zaza, namorain'ny fitondrana ny fahazoana ny ho enti-manna ho amin'izany, toy ny « kits scolaires », sy ny fanaovana ny « cantine scolaire », hanala ny fahasahiranan'ny mpianatra amin'ny tsy faham-pantsakafo.

Niala teo amin'ny fitondrana ny Filoha Ravalomanana dia io iarahamahita io, fa foana ny « kits scolaires » ary zara raha misy ny « cantine scolaire », nihena ny faharisan'ireo ray amandreny mandefa ny zanany an-tsekoly, mazava ho azy fa nampitombo ny tanan'ny tsy fahaiza-mamaky teny sy manoratra izany, izay azo antoka, f'ireo ankizy tsy niditra antsekoly ireo dia tsy main-tsye mbola hanaovana ady

amin'ny tsy fahaiza-mamaky teny sy manoratra indray any aoriania any. Novoizina mafy, tsy tetu Madagasikara ihany fa eran'izao tontolo izao, f'izay tsy mahay mikirakira solosaina amin'ny taona 2000 na ny Taonarivo fahatelo dia sokajiana ho toy ny tsy mahay mamaky teny sy manoratra. Ho antsika eto Madagasikara aloha dia mbola lavitrin'ny afo ny kitay satria tsy mora ny ahazoana ny solosaina ho an'ny rehetra, manginy fotsiny ny olana eo amin'ny famatsiana herin'aratra, izay vao mainka miha-sarotra, ny solosaina anefatsy mbola azo alefa amin'ny arina na kitay na tain'omby. Ny filoha amin'izao fotoana izao dia mamerimberina matetika ny hoe; "digitalisation" e!, "code barre" e, "QR code" e !, afaka folo andro e ! sns... kanefa toa mbola resaka any an-kibon'ny omby avokoa izany, mazava ny tenin'ny mpitondra te nin'ny "Ceni", fa tsy ho vita mora ny fanovana ny

lisi-pifidianana sy ny karapanondrompirenena amin'ny endrin "biometrique", ny dikan'izany mbola lavitrin'ny afo ny kitay. Andro iraisampirenena ho an'ny fampianaranara mamaky teny sy manoratra tamin'ny afak'omaly, ho antsika eto amin'ny Gazy Ny Valosoa Vaovao, dia tsy mety amintsika ny miantso ireo tsy mahay mamaky teny sy manoratra hoe "bado", satria raha raisina ohatra ny any amin'ny faritra atsimo dia misy ireo tsy mahay taratasy, fa mahafantatra ny isan'ny ombiny an-jatony, fa ny mendrika antsoina hoe "bado" dia ireo mahay mamaky teny sy manoratra ary manisa, ambonin'izany mbola mahay mikirakira solosaina ihany koa, kanefa tsy mampihàtra ireo lalàna sy fepetra izay voasoratra mazava ho lalàna velona eto amin'ny firenena, anisan'izany ireo mpitondra sasantsasany izay minia mikimpy mihevitra ny vahoaka ho bado.

Ny Valosoa

Filankevitry ny Fampihavanana Malagasy (CFM)

Sasa-miandry ny onitra ireo gadra politika



Toa miesona fotsiny ny filohan'ny CFM sy ireo mpikambana ao amin'ny fanonerana ireo gadra politika.

min'ny ela ny fanadihdiana nataon'ny CFM tam'in'izy ireo. Hatreto anefatsy re firy intsony ny tohiny, fa ny hany fantatra farany dia miandry ny fitondram-panjakana ny amin'ny famahana ny olana eo amin'ny samy mpi-ray tanindrazana eto amin'


mezana ny anjarany 30% miaraka amin'ny an'ny fianakaviambe iraisam-pirenena. Dia nianona hatreto ireo mpikambana eo anivon'ny CFM, tsy heno ho manery ny fitondrana ny amin'izany fandoavana ny anjarany izany, ary efa hatramin'ny taon-dasa io, fa tsy hoe ao anatin'izao hamehana ara-pahasalama izao akory. Inona fotsiny no nataon'ny CFM tao anatin'izay fotoana nijoroany sy nahavitana ny fanadihadiana izay? Misy ve ny tahotra ny fitondrana, ka zary kely endaka izy tsy mahateny ny fitondrana? Tsy lavina, miandraikitra sehatra hafa izy amin'ny famahana ny olana eo amin'ny samy mpi-ray tanindrazana eto amin'

ity Nosy ity, satria efa hatramin'ny taonjato ela no nisian'izany ara-tantara. Zava-dehibe izany, kanefa anisan'ny lehibe amin'ny antom-pisiany dia ny zavanitrange amin'ny disadisa ara-politika teto amin'ny ferenena teo anelanelan'ireo taona ireo. Ka ny tena fototr'asa indray ve izany no ambanin-javatra? Hahatsiaro hahavita ny andraikiny ve izany ireo mpikambana ao anatin'ny raha toa ka tsy vitany ity andrasan'ireo gadra politika rehetra mi-andry ny onitra tokony ho azy ity, ka hifaranan'ny disadisa rehetra hirosoana amin'ny fampihavanana marina? Zary mandrimandy manana andraikitra ny CFM hatreto.

Sôh'son

Ady amin'ny asan-dahalo

Mahomby ny fiaraha-miasan'ny fokonolona sy ny tafika



Ireo omby teny ampelatanan'ny dahalo azon'ny miaramila tany Mahabo.

Mafana amin'izao fotoana ny asan-dahalo any amin'ny distrikan'i Mahabo, any amin'ny faritra Menabe iny. Na eo aza izany, misy ny fiaraha-miasa matotra eo amin'ny fokonolona sy ny tafika, manampy amin'ny ady amin'ny tsy fandriampahalemana any an-toerana. Tafaverin'ny ZPRS BRAVO ireo omby very tao Ankilizato. Nisehoana halatr'omby tao amin'ny fokontany Ankilizato distrikan'i Mahabo ny alahady lasa teo ary omby miisa 10 no lasan'ny dahalo tamin'

izany. Tsy niandry ela fa avy hatrany dia nanaradia ireo dahalo, ny miaramilan'ny ZRPS BRAVO tarihin'ny Lietnà RAKOTOMALALA Christian ary dia tratra tamin'izany ireo omby ireo niaraka tamina omby 10 hafa. Naverina amin'ny tompony ny 09 amin'ireo raha novonoin'ny dahalo ny iray. Nampidirina ambalam-pamongana amin'ny kaominina ambanivohitra Ankilizato ireo 10 ambiny mandripiandry izay mety ho tompony.

Niaina

Tsy fandriampahalemana

Mpimasin-dahalo sady mpitahiry omby halatra naiditra am-ponja

Mpimasin-dahalo sady mpitahiry ireo omby avy nangalarin'ny dahalo namany, no voasambotra tao Andranamanitsy ny herinandro teo, tao amin'ny kaominina Ankily, distrikan'lhosy, faritra Ihorombe, ka naiditra amponja vonjimaika afak'omaly.

Angom-baovao tamin'ny mponina tany an-toerana no nahafantarana fa misy an'ingahy Rakoto izay mpimasy mpiara-miasa amin'ny dahalo no mitazona omby marotsy misy taratasy.

Nidina tany ifotony haingana ireo zandary nanao ny fannarinana, ka tra-tehaka tao amin'ireo karazan'ody maro sy omby miisa enina izay tsy misy taratasy akory. Rehefa natao ny famotorana dia niaiky ny heloka vitany izy ary tsy fantavy akory izay tena tompony'ny omby, fa anjarany tamin'ireo asan-dahalo ireo. Ary nambaraha koa izy, fa famitahana ireo dahalo fotsiny ireo lazainy ho odi-gasy, fa tsy mandraitra akory.

Notanana am-ponja vinjimaika izy ary nogejaina am-bala ny omby mandrapahahita izay tompony sy ireo dahalo namany. Resy lahatra ny mponina any an-toerana, fa ahitambokany ireo vaovao omena ny zandary mba hampan-driana fahalemana ny faritra.

Niaina



Ilay mpimasy tratra, mpifandray tendro amin'ny dahalo any Ihorombe.

Ady amin'ny asan-dahalo

Voasambotra ny mpimasin-dahalo iray

Ireo dahalo rehefa manao ny asa ratsiny dia mitoky amin'ny odiny ihany koa, misy mpimasy mamatsy azy ireo amin'izany. Mpimasy iray mpamatsy odiratsy ho an'ny dahalo ao anatin'ny faritra Menabe no voasambotry ny zandary tao Belalanda, Analava, Morondava, faritra Menabe, ny tolakandron'ny talata teo. Manoloana ny tsi-fandriampahalemana ao anatin'ny distrikan'i Morondava, dia fantatra fa ireo atao hoe "Mpimasin-dahalo" no tena manome vahana sy mamporisika ireo dahalo hanao ny asa-ratsiny. Loharanom-baovao marim-pototra avy amin'olona tsara sitrapo no nahafantarana fa niorm-ponenana ao Belalanda ingahy Tefinanahary mpimasy avy any Beroroha, mba hamatsy mohara an'ireo jiolahy sy dahalo. Nosavaina avy hatrany ny toeram-ponenany, ka tra-tehaka tao ireo odi-ratsy isan-karazany. Niaiky ny heloka vitany ho mpiray tsikombakomba amin'ny andian-dahalo sy mamatsy fitaovam-pamosaviana izy, mb hanatanterahan'ny dahalo ny asany. Isaorana ny loharanom-baovao sy ireo fokonolona ao Belalanda nanampy tamin'ny fisamborana. Nanatirantitra ny Foibe fibaikoana ny Zandarimariam-pirenena, fa hohamafisina ny hazzalambio an'ireo mpimasin-dahalo mampirongatra ny asan-dahalo, izay mampiasa odiratsy voaporofa fa tsy maharo azy akory.

Stefan



Ilay mpimasin-dahalo tratra tany Morondava.

Mpiandry rahahaha

PHARMACIES DE GARDE
05/09/2020 hatramin'ny
12/09/2020

- ANDOHATAPENAKA
(67ha sud Route FDC
près station Galana) 020
22 670 70/034 02 670
70/032 12 670 70

- SOARY (Iadiambola
Ampasapito) 020 22 410
58/032 11 248 05

- PROVIDENCE (Ando-
han'Analakely près ex ci-
nema Rex) 020 26 407
27 / 034 52 002 90 / 033
13 481 42

- RALISON (Antanimena)
020 22 226 14/034 44
429 51

- RASOLONJATOVO
(Anosy en face HJRA)
020 24 570 38/034 64
838 61

HJRA (urgences) :
033 11 890 58 /
22 279 79

HOMI Soavinandriana :
22 397 51

Hopital Befelatanana :
22 223 84 / 22 6 N72 21

Hopital
Loterana Ambobibao :
22 441 88 / 22 485 17

Clinique des Soeurs
Ankadifotsy : 22 235 54

Ambulances municipales :
22 200 40

Jirama:
Telma : (22)3547 (n° vert) /
Airtel: 03 35 47 / Orange :
032 32 3547

Pompiers :
Tél : 118 / 22 250 18/
22 225 66

Police :
Hôtel Central de Police :
17 / 22 227 35 / 22 357 09

1° Arrondissement
Tsaralalàna : 22 280 54
2° Ambanidra : 22 309 46
3° Antaninandro : 22 291 30
4° Isotry : 22 280 51
5° Mahamasina : 22 280 48
6° Ambohimanarina :
22 225 52
7° 67 Ha : 22 291 29
8° Analamahitsy : 22 493 25
Brigade criminelle :
22 216 78 / 22 210 29 /
22 674 83 na 84

GIR : 22 227 35

Gazetim-baovao miseho
intelo
isan-kerinandro
Vidiny: 300 Ar
Adiresy: lot T 70 Ankadindratombo

TALEN'NY FAMOAHANA :
Rahelisoa A.
034 79 07600

MPANAO GAZETY

Politika:
Isambilo: 033 24 783 65
Rajo: 033 80 022 53
Andry Tsivalonona 032 07 744 55

Toe-karena :
Aly : 033 18 382 88

Kolontsaina:
Aris: 034 17 460 53
Beharo : 032 02 557 89

Fanatanjahantena:
Lita: 033 41 557 69

Mailaka:
gvalosoa@yahoo.com
NATONTAN'NY
Imprimerie de la RN7

Fametrahana 1065-09-2020
Isan'ny natonta: 10 000

Tsy azo adika, na alain-tahaka, na
antsaina ampahibemaso
raha tsy ahsaoana alalana vita
soratanana avy amin'ny
tompony

ACCORD KNITS ANDRAHARO

Mpiasa 400 eo no naato amin'ny asany aloha

Mpiasa miisa 400 eo no voatery naato amin'ny asany aloha na natao ho "chômage technique" ao amin'ny orinasa Accord Knits eny Andraharo. Mpiasa amin'ny orin'asa mpanodina akanjo manodidina ny efajato no nalefan'ny tompon' andraikitra mpitantana ho "chômage technique", izany dia noho ny antony tsy mbola mazava amin'ireo mpiasa izay voakasik'izany. Tsy misy ny fanomezana pré-avis fa dia ny ambin-karama sisa no homen'ny tompon'ny orin'asa. Araky ny filazan'ireo mpiasa dia misy hatrany an-



Ny sasany amin'ireo mpiasa eny Andraharo.

fa ireo olona vaovao hampidirina miasa ao amin'ity orin'asa ity, ka mampametra-panontaniana azy ireo. Marihina fa efa mpiasa tranainy ny ankamaroan'ireo voakasik'izao fampiatoana miasa izao.

Anio alakamisy maraina, mampiantso mpanao gazety izy ireo eny ANDRAHARO, ho fanazavana misimisy kokoa mahakasika izany olana sedrain'ireo mpiasa ireo izany.

Aly

Faktiora sy vidin-jiro miakatra

Tsy mbola voafehin'ny Jirama ny asany hoy Lita Rabetsara

Hatreto dia mbola filaharana no hita eny amin'ny Jirama. Ao ireo mitondra fitarainana noho ny fidangan'ny faktiora, fa eo ihany koa ireo faktiora tsy mitovy. Santionany ireo ankoatry ny fimenomenonana any amin'ny faritra hafa ivelan' Antananarivo. Nanambara ny mapiro ny zon'ny mpanjifa sady mpikambana ao amin'ny filankevi-pitantran'an'ny orinasa Jirama, fa mila ahitsy io fomba fiasa io, mba

hialàna amin'ny olana samihafa mianjady amin'ny mpanjifa. Namafy i Lita Rabetsara, fa tsy mbola voafehin'ny Jirama ny asany ka tokony hovaina. Olana ara-pitaovana io raha ny nambarany, toy ireny fakan'ny mpanjifa ny fandaliana isambolana tenty amin'ny Jirama tam'in'zao hamehana ara-pahasalamana teto Madagasikara iny, ary mbola mitohy ankehitriny.


natao ireny satria ireo mpanantanteraka teo anivon'ny Jirama ihany no namolavola ireny. Namafy hatrany i Lita Rabetsara fa tokony ahitsy ny fomba fiasa manomboka izao satria nisy akony betsaka teo amin'ny toe-karena iny hamehana ara-pahasalamana teto Madagasikara iny, ary mbola mitohy ankehitriny.

Rajo

BEHARO

Teny tondro (Ny Valosoa Vaovao)

N° 317



Misy ny teny Malagasy ofisialy sy ny tenim-paritra

Ohatra : Valy = Vady

BL = Bory Loha
BR = Bory Rambo

MIV = Mivadika

MIK = Mikorontana

Misy ny teny Malagasy ofisialy sy ny tenim-paritra

Ohatra : Valy = Vady

Valiny Teny Tondro (0316)

Mitsivalana

- Nitelina
- Atao
- Lanto – Ro (miv)

Mitsangana

- Entako
- Faoka – AA
- Atsy – (T)aon(a)
- Ia – Rova
- Nilefa
- Anaty
- Tontosa
- Taky
- Laoka
- Ti (miv) – Ao
- Nao – Voa (miv)
- Aoriane

Ambila Lemaitso

Tsara tsidihana amin'izao fotoam-pialan-tsasatra izao

Anisan'ny toerana tsara ho tsidihana amin'izao fotoam-pialan-tsasatra izao Ambila Lemaitso, any amin'ny distrik'i Brickaville, faritra Atsinanana. Toerana milamina, ahitana fihaonan'ny ranomamy sy ranomasina Ambila dia ny Lakandranon'i Pangalana sy ny ranomasimbe Indiana, ahitana tora-pasika mahafiniritra sy moron-tsiraka milamina. Raha avy any Brickaville ho any Ambila Lemaitso, raha mandeha fiarakodia : 22 km hatreto amin'ny Gara. Raha fiaran-dalamby : 18km. Ny dia an-tongotra manaraka lalamby dia 18km. Raha dia an-tongotra manivaka : 13,5 km. Ny mety ho faharetan'ny dia ankehitriny dia:

. Diasoa Fiaran-dalamby : 25min.

. Fiara 4x4 : 30min.

. Fiara tsotra : 45min.

. Moto : 25min.

. Bisikileta: 45min.

. Dia an-tongotra manivaka: 1h45min.

. Dia an-tongotra manaraka lalamby : 2h15min.

Ny Faharetan'ny Miampita baka: 5 min.

Raha ny toerana hivantana indray, misy maromaro ireo trano fandraisam-bahiny any an-toerana.

Aly



TENY MIFANARAKA

N° 317

A	B	D	E	F	G	H	I	J	K
1									
2									
3									
4									
5									
6									
7									
8									
9									
10									

Mitsivalana

1. Fonenana – Naoty
2. Bengy (miv) – Lazaina
3. Vonjy – Tam-pisaka
4. Ankasitrahana
5. Mihira (miv)
6. Mpitondra firenenana
7. Nanorenana
8. Akana vao mitombo – Firenena (BL)
9. Mpatoritra anarana – Mamintana (miv)
10. Aretina (BL) – Teny mandrara

Mitsangana

- A. Filâna – Hatsiaka
- B. Dio (miv) – Tondraka
- C. Fotora E. Akaiky – Faran-teny – Haja amam-boninahitra (miv)
- F. Naoty – Firavaka – Kianteny
- G. Tanâna ao Fianarantsoa
- H. Nan-drainy I. Fanahanana
- J. Refy – Dimbiny (miv)
- K. Biby masiaka (miv) – Aminy (miv)

Valiny Teny mifanaraka 0316

Mitsivalana

1. Firosoana 2. Ma (miv) – Toky
3. Karretsaka
4. Orana – Anio (miv)
5. Nakarina
6. Ora – Manala (miv)
7. La – In – II
8. Sakafoto (miv) – Man (miv)
9. Zokina
10. Arovana – Re

Mitsangana

- A. Fokonolona B. Farara (miv) D. Raraka
- Azo E. Oméra – Volky (miv) F. Tarana
- G. Il(o) – Sir(y) H. Ataonay – Na I. No-kirina
- J. Naka (miv) – Roa (miv)
- K. Mamba (miv)

An-tsary misongadina Ny Valosoa Vaovao

Helisoa

Ny sasany amin'ireo mpiasa eny Andraharo natsahatra tamin'ny asany.



Ny fivoran'ny RMDM teny Bel'Air Ampandrana omaly.



Dinidinika niarahan'ireo loholona tamin'ireo solontenan'ny « komity miaro ny soa iombonana » teto amin'ny antenimierandoholona.

